

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلق
(۱۳۰) غروشدور .

[نسخه سی ۵ غروشن ،
سنه لکی ۵۲ نسخه در .]


اداره خانه

باب عالی جاده سنده دائره مخصوصه

اخطارات

آبونه بدلی پیشیندر

مسلكه موافق آثار مع الممنونیه
قبول اولنور . درج ایله بن
یازیلر اعاده اولونماز .



دینی ، فلسفی ، علمی ، ادبی هفته لق مجموعه اسلامیه در

والله یهدی من یشاء الی صراط مستقیم

باش محرر
محمد عا کف

صاحب و مدیر مشعل
اشرف ادیب

اتبعون اهدکم سبیل الرشاد

عدد : ۳۷۸

۸ صفر ۱۳۳۷

پنجشنبه

۱۵ تشرین ثانی ۱۳۳۴

جلد ۱۵

اخطارات

آدرس تبدیلنده آبرجه بش
غروش کوندرا لیدر .

مکوبلرک امضالری واضح
واردوناقلی اولسی و آبونه صره
نومروسی محتوی بولنسی لازمدر .

ممالک اجنبیه ایچون آبونه
اولانلرینک آدرس لری نک فرانسر
چده یازلسی رجا اولنور .

پاره کوندرا لیدی زمان نه یه دأثر
اولدیغنک واضحاً بیله یراسی رجا
اولنور .

قالوب تسایم اولانجه یعقوب بك، بزرگ خانى حضورینه جاب ایله «سنى شیمدی اعدام ایتدیرر ایدم . فقط جدکه باغشلامدم . آرتق بوندن صکره سنك بورالرده اوطورمقلهك اویه من . مکه مکرمه یه کوندرهیم» دیهرك هندستان طریقله جانب حجازه کوندردی . [*] صدیق بکی ده زندانه آندی . برمدت صوکره صدیق بك حبسده وفات ایتشدی .

محمود م . مود

خط هایون صورت منیفه سی

وزیر معالیسمیرم توفیق پاشا

« عزت پاشا قاپینه سنك وقوع استعفاسته وسرك دركار اولان ،
« وقوف و تجاریکزه و اعتمادنامه یه مظهریتکزه بناء مسند صدارت ،
« عهدۀ رویتکزه و مقام مشیخت اسلامیه دخی دارالحکمة الاسلامیه ،
« اعضاسندن حیدری زاده ابراهیم افندی عهدۀ سنه توجیه قلمش ،
« و قانون اساسینك ۲۷ نجی ماده سی موجبجه تشکیل ایلیککیز ،
« هیئت جدیدۀ وکلا تصدیقمزه اقتران ایتشدر . »
« دول ائتلافیه ایله اخیراً عقد ایلیککیز متارله حال حربۀ نهایت ،
« ویرمسیله مملکتیمز ایچون قانون و مشروطی برادارۀ منظمه زمان ،
« حلول ایتش اولدیغندن احوال حربیه نك تولید ایلیکی غیر قانونی ،
« و غیر طیبی معاملانك سیریمأ ازاله سیله مملکتیمزك هرجهتده احکام ،
« شریعه و قانونیه نك فعلاً و تماماً تطبیق و اجرایی و صنوف اهالیز ،
« آرهنده آهنگ وفاق و اتحادك تأمین و توثیقيله آثار نفاق و شقاق ،
« کاملاً اورتهدن قالدیریلهرق بالعموم اهالیزك بوکون یکدل و یکجهت ،
« اولهرق وطنیمزك سلامت و سعادتیه حصر مساعی ایللری اسباب ،
« و وسائلنك استکمالی و معاملات حکومتك داخل و خارجاً ،
« امنیت و اعتمادی کافل بر حال انتظامه افراغی و هر طرفده ،
« آسایشك تقریریه اخلاص سکون و انتظامه تصدی ایدنلرک بلا ،
« افاتۀ وقت قانون دائره سندن منعی احوال حاضرده اول باول ،
« اجرایی مقتضی خصوصات مهمه دن اولدیغندن هیئت وکلایمزه ،
« بالاتحاد بو جهتک تأمین تطبیقاته صوک درجه ده اعتنا قلمسی ،
« حصافتکزدن منتظر در . هان جناب موفق الامور توفیقات ،
« صمدانیه سنه مظهر بویورسون آمین بحرمۀ سید المرسلین . »
۶ صفر ۱۳۳۷ و ۱۱ تشرین ثانی ۱۳۳۴

[*] مشارالیه مکه مکرمه دکل ، بخارا شهرینه کوندرلیدی حقه ده بروایت وار ایسه ده طوغریسی مکه مکرمه یه عزیمت ایدوب برمدت اقامندن صوکره طاشکند شهرینه کیتش و بردها کاشغر شهری و حوالیسنه آباق باغماش واوراده وفات ایتشدر .

چیقوب، محاربه یه حاضرلندی . یعقوب بکک عسکری یارکنده عسکرینك کثرتنه طیسانه میوب مجبور فرار اولدیلر . یعقوب بک ده بقیة السیوف عسکری ایله کاشغر شهرینه طوغری رجعت ایتدی .
بزرگ خان، میرمومی الیهک یارکنده بکک دعواسنده بولندیغنی و مغلوب اولهرق میدان محاربه دن فرار ایتدیکنی خبر آلنجه د اویویان دشمنی وقتسز آياغه قالدیردی . یارکنده لیلر بوحرکتی بنهن ظن ایدرلر ، دیهرك یعقوب بکی اعدام ایتکه قرار ویردی . فقط یعقوب بک و قتیله کندی آدملری واسطه سیله بوخبری آلدی . کاشغر شهری اطرافده کی اسلام کویلری اهالیسندن (۳۰۰) کشی جمع ایله جینیلرکالنده بولنان «یکی حصار» شهرینی تحت محاصره یه آلدی .

بوخبر کاشغر شهرنده ایشیدبایر ایشیدیلز (۵۰۰) کشی فرار ایله یعقوب بکک دخالت ایله دیلر . بواننده بوجوارده کائن قیزل طاغده کی قیچاقلردن بر طائفه نك رئیس اولان « بوغچه بردار » نام ذات (۳۰۰۰) کشیك طائفه سیله یعقوب بکک عرض خدمت و اطاعت ایدنجه ایش بویودی . (۳۰۸۰۰) کشیك برقوته صاحب اولان یعقوب بک یکی حصار شهرینی جینیلزدن ضبطه موفق اولدی و بوراده اعلان استقلال ایلدی .

۱۲۸۱ سنه سی صوکارنده کاشغر شهرینه بر هجوم اجرا ایتدی . بزرگ خان ، اکثریتک یعقوب بک لهنده اولدیغنی کورونجه مقامت ایدمه جکفی آکلامش ، شهری تسلیم و مقام امارتی ده کندیسنه ترك ایله مشدر .

یعقوب بک کاشغر شهرینی ضبط ایدر ایتز تشکیل ایتش اولدیغنی حکومت اسلامیه نك مرکز اداره سنی درحال بورایه نقل ایدرک پای تحت سلطنت اتخاذا ایلدی .

« یعقوب » بک اهالی یه قارشو بیوکلک کوسسترمک و هر کسی کندیسنه طرفدار ایتک ایچون بزرگ خان و وزیر اعظم رتبه سی توجیه ایلدی .

برآز زمان مرورندن صوکره « بزرگ خان » ک مملکتده فساد چیقارمقله مشغول اولدیغنی ایلری سورهرک مشارالیه ی عزل ایلدی . و « بزرگ خان » امور حکومتی رؤیته مقتدر دکلدر . بر کوشده اوطوروب عبادت ایله سون « دیهرك یانه ایکی خواجه ترفیق ایله برابر بر محله دائمی صورتده اقامت ایتمه سی امر ایتدی .

۱۲۸۲ تاریخده ینه قیچاق قبائلنه منسوب (۵۰۰۰۰) کشی کاشغر شهرینه کلهرك یعقوب بکک عرض اطاعت ایلدیلر . بولرک باشنده طاشکند شهرینك اسکی حاکی « میرزا احمد قوش بکی » ، طاشکند عسکری قوماندانی « بک محمد » و بورالجه معروف اسرای عسکریه دن « حق قولی بیکیباشی » وار ایدی که بولردن میرزا احمد قوشی بکی یعقوب بک باش وزارت مقامه کچیردی . بزرگ خان ایله صدیق بک راحت طورمه یهرق ال آلتندن مخایزه ایله کونک برنده مملکتده اخیریل چیقاردیلر . یعقوب بکک بر چوق محاربه لردن صوکره ناچار